



客家語現代詩 學生組第三名

落雨天（四縣腔）

落雨天，落雨天
點點个歌聲
絲絲个路徑
尋著阿姆在雨水下个味緒

僱記得，僱記得
細人時節，逐擺个落雨天
阿姆分雨打到溼漉漉个頭那毛
烏烏个頭那毛像烏雲肚透出个光
心肚就毋驚

這時節，這時節
異鄉个落雨天
再無鼻著阿姆个味緒
絲絲个雨毛仔多出灰白个影
跔等時間
慢慢變大

作者感言



邱惠鈴 臺北教育大學臺灣文化研究所學生

感謝評審先生个厚愛，這擺有幸得獎。僱用客語文个書寫當一年四隻月，主要寫个係對家鄉个思念，在臺北讀書个生活，輒常想起家鄉个事務，故所用文字膠心肚个心情記錄下來。這篇〈落雨天〉係寫親情个故事，記得還細時節，阿姆總係用摩托車載僱膠老妹去讀書，就算落雨天也共樣，坐在後背个僱只愛看著阿姆烏烏个頭那毛就會試著當安心，毋驚風雨。在異鄉个僱，想起頭擺个事情，也發現阿姆个頭那毛多欸當多白毛，時間過忒恁久，僱兜細人仔也擲想仔，毋管仰般，親情个味緒，還係囿到僱个心肚。